

Meža cyuka i vuška

Ķaiz, bāgdama nu medinīku pulka,
Kurs beja apsiedš lelū mežu masīvu,
Meža cyuka pīstōja iz dzeivi kryumainijā pļovā
Pavysam natōli nu kaida cīma.
Jei baiļu najuta i boda nacītā —
Jo pļovā auga čymyni i pīnenis.
Bej dorbs tik vīns: rauš zámeiti,
Ceļ valānu iz augšu i vīnā mīrā ād,
Tá — kaidu dīnu, kur bejusá, kur nā,
Stōj pīrškā bolta vuška ai pōra jierenim
I izmysumā bliej par pūstažu,
Kū meža cyuka pļovā pīstrōdovusá;
Jōs ganeibvītu, zīmys sīna pļovu
Pōrvārsdama orumūs, ka jāri kōjis nūlauzť var.
... i vuškai atļōvis nav paprasiejusá.
A cyuka vīnā mīrā rauš i rauš,
Par vuškys bliešonu pať aušu napaceļ,
Jo kaida problema tá rastīs var;
Ka vuška lokstus ād, a cyuka saknis!

Voi ļaužu sabīdreibā navā taidi tykumi,
Kod īnōcieji dzeivōť gryb
Vīneigi pec sovīm lykumim?

1991.

Ceirulš i žveigurs

Vīnā pīvakarī, kod ceirulš pōrstōjš beja trallikōť pa gaisu,
Jū apcīmova žveigurs, cerādams iz vaļsirdeigu runys-laiku.
Ak, ceiruļ, ceiruļ, dōrgīs sābri muns,
Nu pasoki maņ atklōti;
Kai saīt tys, ka tu tik trallikoj pa gaisu,

Ka tu pi cylvākim paṭ naaṣ i rādžāts,
A cylvāks tevi slavej, īvāroj i saudzej?
A as, lai ari vīnmār asu ļaužu acīs,
Lai paleidzu jīm valī tikṭ nu seikīm kaiteklim
I seikōm dražom sātys vītā,
A mani naslavej, par manim runoj palis
Mani naiṛādž, paṭ zagļūs īriekinoj...

A ceirulš, sasliejš cakulu i pīglaudš spōrnus sōnim,
Tai lapni, lapni atbiļd, žveiguram:
- Tu, draudzeņ, pīmini iz myužim,
Ka na jou dorbs kreit ļaudim acīs, ai kurīm
Kūpā pavodi dīndīnā laiku sovu tu,
A kreit jīm acīs tys, kas reši īraugams,
I skaisti sadzierdams.

Cik biedeigi, a tei ir taisneiba,
Ka ļaužu dzeivī bīži, bīži viņ
Teik īvārōts i gūdynōts na radzams dorbs,
A skaistu runu laisšona par dorbu.

1991.

Par maizis druonom i škāli

Jiuš zynot poši, ka dzeivī ļaizjom
Dīsgon jūceigi var saīt.
Taipaṭ kai šūļaizeņ, kod maizis škālā
Bej īsōkusā ai druonom vāstṭ vōrdu karu,
Lai pīrōdeitu saimis goldā
Sovu vīnļaizejū īspaidu i svoru;
As asu škālā i cylvāki ai gūdu mani ād.
Līk iz škeiva, ai izraksteitu dvīli sadz.
Bez manā golds tik paṭ kai svietneica bez svāču,
Tik paṭ kai ustoba bez sīnys deču.
As asu škālā, nu kukulā kū grīž
Ai nāzi teiru, osu i nūlīk ādōjam
Iz pīrīškys škeiva sūplok vidiļčam i nāžam.
As asu maizis škālā, kū kotrys cylvāks ādūt

Pymū rūkā jem i pīkūž klōt pi kotra iedīnā...
A jiuš to kas — šōs druponys,
Kas pībyrušs ap munu škeivi, ap prīškys škeivim
I goldā rodūt nateireibu iz boltō goldaut-viersa.
Kas jiusus ād? Jiuš sūmozgōs deļ cyuku iedīnā,
Jiuš kača blūdā teikot sabārtys ai švunku.
Vāļ ļaunōk! Jiuš bareiba tīm prusakim naktš malnumā,
Kas apsādušs ir vīnu-ūtru mōju...

I ļaužu dzeivī šudiņ taipaņ godōs;
Ka tys, kam tureibā ir pazaveicīs,
Pōr pōrejīm gryb gudrōks bīt i pōrōks,
Lai pamatōjums tam nav ni mozōkīs.

1998.